



UNIVERSITÄTS-  
BIBLIOTHEK  
PADERBORN

## **Divi Thomae Aqvinatis Doctoris Angelici Opera Omnia**

Summa diligentia ad exemplar Romanæ Impreßionis restituta  
Complectens Primam Secundæ, & Secundam Secundæ Summæ  
Theologiæ

**Thomas <von Aquin, Heiliger>**

**Venetiis, 1593**

Et primo, vtrum omnis tristitia sit mala.

---

[urn:nbn:de:hbz:466:1-72759](https://nbn-resolving.org/urn:nbn:de:hbz:466:1-72759)

causa redditur delectabile.   
 SECUNDVM dicendum, qd ipse dolor amari sicut  
tristaret, sed consideratio cause eius, qua est  
magis delectat. Et per hoc patet responsio ad 3.

ARTICVLVS III.

*Vtrum per contemplationem veritatis, dolor,  
& tristitia mitigentur.*

**A**D QVARTVM sic proceditur. Videtur, qd contem-  
platio veritatis non mitiget dolorem. Dicit enim  
Eccles. 2. Qui addit scientiam, addit & dolorem: sed scien-  
tia ad contemplationem veritatis pertinet. non ergo  
contemplatio veritatis mitigat dolorem.

**¶** 2 Præ. Contemplatio veritatis ad intellectum spe-  
culatiuum pertinet: sed intellectus speculatiuus non  
mouet, ut dicitur in 3. de anima. cum igitur gaudium, & do-  
lor sint quidam motus animi, videtur qd contem-  
platio veritatis nihil faciat ad mitigationem doloris.

**¶** 3 Præ. Remediis ægritudinis apponendū est, ubi  
est ægritudo: sed contemplatio veritatis est in intellectu.  
non ergo mitigat dolorem corporalem, qui est in sensu.

**S**ED CONTRA est, quod Aug. dicit in 1. Soliloquio.  
\* Videbatur mihi, si se ille mentibus nostris verita-  
tis fulgor aperiret, aut non me sensurum fuisse illi  
dolorem, aut certe pro nihilo toleraturum.

**R**ESPON. Dicendum, sicut supra dictum est, \* qd  
in contemplatione veritatis maxima delectatio con-  
sistit. Omnis autem delectatio dolorem mitigat, ut  
supra dictum est: & ideo contemplatio veritatis mi-  
gat tristitiam, uel dolorem: & tanto magis, quanto  
perfectius aliquis est amator sapientiæ: & ideo homi-  
nes ex contemplatione diuina, & futuræ beatitudi-  
nis, in tribulationibus gaudent, secundum illud Iac.  
1. Omne gaudium exiimate fratres mei, cum in te-  
tationes varias incideritis. & quod est amplius, et in  
ter corporis cruciatus, huiusmodi gaudium inueni-  
tur, sicut Tyburtius martyr cum nudatis plantis su-  
per ardentem prunas incedere, dixit. Vt mihi, quod  
super roseos flores incedam in nomine Iesu Christi.

**A**D PRIMVM ergo dicendum, quod qui addit  
scientiam, addit dolorem, uel propter difficultatē  
& defectum inueniendæ veritatis, uel propter hoc  
qd per scientia homo cognoscit multa, quæ uolunta-  
ti contrariantur. & sic ex parte rerum cognitarum  
scientia dolorem causat. ex parte autem contempla-  
tionis veritatis, delectationem.

**A**D SECUNDVM dicendum, quod intellectus spe-  
culatiuus non mouet animū ex parte rei speculatae;  
mouet tamen animū ex parte ipsius contemplationis, quæ est  
quoddam bonum hominis, & naturaliter delectabilis.

**A**D TERTIUM dicendum, quod in uiribus ani-  
mæ sit redundantia a superiori ad inferius, & secun-  
dum hoc delectatio contemplationis, quæ est in su-  
periori parte, redundat ad mitigandum etiā dolo-  
rem, qui est in sensu.

ARTICVLVS V.

*Vtrum dolor, & tristitia mitigentur per somnum, & balnea.*

Phil. 29.

**A**D QVINTVM sic proceditur. Videtur quod som-  
nus & balneum non mitigent tristitiam. Tris-  
titia enim in anima consistit: sed somnus & balneū  
ad corpus pertinent. non ergo aliquid faciunt ad mi-  
tigationem tristitiæ.

**¶** 2 Præ. Idem effectus non uidetur causari ex con-  
trariis causis: sed huiusmodi cum sint corporalia, re-

**F** pugnat contemplationi ueritatis, quæ est causa mi-  
tigationis tristitiæ, ut dictum est. \* non ergo per hu-  
iufmodi tristitia mitigatur.

**¶** 3 Præ. Tristitia, & dolor, secundum quod perti-  
nent ad corpus, in quadam transmutatione cordis  
consistunt: sed huiusmodi remedia magis uidentur  
pertinere ad exteriores sensus & membra, quam ad  
interiorem cordis dispositionem. non ergo per hu-  
iufmodi tristitia mitigatur.

**S**ED CONTRA est, quod Aug. dicit 9. Confes. Au-  
dieram balnei nomen in de dictum, quod anxietatē  
pellat ex animo. Et Isra. Dormiui, & euigilaui, & non  
parua ex parte mitigatum inueni dolorem meum.  
Et adducit quod in hymno Ambrosii dicitur, quod  
quies artus solutos reddidit laboris usui, mentesque  
fessas allenat, luctusque soluit anxios.

**R**ESPON. Dicendum, quod sicut supra dictum est,  
\* Tristitia secundum suam speciem repugnat utali  
motiōi corporis; & ideo illa quæ reformant naturā  
corporalem in debitum statum uitalis motiōis, re-  
pugnant tristitiæ, & ipsam mitigat. Per hoc etiā qd  
huiusmodi remediis reducitur natura ad debitum  
statum, causatur ex his delectatio. hoc enim est quod  
delectationem facit, ut supra dictum est. \* unde cum  
omnis delectatio tristitiam mitiget, per huiusmodi  
remedia corporalia tristitia mitigatur.

**A**D PRIMVM ergo dicendum, quod ipsa debita  
corporis dispositio, in quantum sentitur, delectatio-  
nem causat, & per consequens tristitiam mitigat.

**A**D SECUNDVM dicendum, qd delectationū una  
aliā impedit, ut supra dictum est: & tñ omnis delecta-  
tio tristitiam mitigat, uñ nō est inconueniens, qd ex  
causis seinuicem impediētibz tristitia mitigetur.

**A**D TERTIUM dicendum, quod omnis bonadi-  
positio corporis redundat quodammodo ad cor-  
dis principium, & finem corporalium motio-  
num, ut dicitur in lib. de causa motus animalium.

QVAESTIO XXXIX.

*Super quaest. trigesima  
nona articulum pri-  
mum.*

*De bonitate, & malitia tristitiæ, seu do-  
loris, in quatuor articulos diuisa.*

**D**EINDE considerandum  
est de bonitate, & mali-  
tia doloris, uel tristitiæ.

**E**T CIRCA hoc querū-  
tur quatuor.

**¶** Primò, Vtrum omnis tristitia  
sit malum.

**¶** Secundò, Vtrum possit esse bo-  
num honestum. (1c.)

**¶** Tertiò, vtrū possit esse bonū uti

**¶** Quartò, Vtrum dolor corporis  
sit summum malum.

ARTICVLVS PRIMVS.

*Vtrum omnis tristitia sit mala.*

**A**D PRIMVM sic proceditur. Videtur quod omnis tristitia  
sit mala. Dicit enim \* Greg. Nyss. Omnis tristitia malum est sui-  
pitiis natura: sed quod naturaliter  
est malum, semper & ubique est  
malum. ergo omnis tristitia est  
mala.

**¶** 2 Præ. Illud quod oēs fugiunt,

*In articulo. quæst.  
39. dubium occur-  
rit, de qua bonitate  
uel malitia sit præ-  
sens questio. si de  
naturali sit, incepto in  
fine corporis articu-  
li dicitur, sed quia  
sermo est moralis. Ad  
moralē enim mo-  
ralis malitia spectat.  
Si de naturali, fallā ut  
deur doctrina, tum  
quia si tristitia esset  
simpliciter mala mo-  
raliter, nulla posset  
ratione fieri bona  
moraliter, cuius oppo-  
situm in 2. & 3. ar-  
ticulo habetur: tum  
quia ratio inducta in  
litera, in ethicis est ad  
hoc nam recta ratio  
habet quod appetit  
quandoque priuatum  
quiete in bono, &  
anxiatur de presen-  
ti malo, ut patet in  
uoluntarium assumē-  
tibus luctum pro-  
pter Deum.  
¶ Ad hoc dicitur  
quod hic est sermo  
de bonitate & mali-  
tia morali, sicut in  
supra-*

superioribus tractatibus. Ad cuius evidentiam scito primo ex litera, quod tristitia potest dupliciter considerari. Primo ex parte contritantis, secundo ex parte sentientis, & repudiantis ipsum malum contritans. Appetere tristitiam ex parte contritantis, est appetere ipsum contritans, ut sic: appetere autem tristitiam ex parte sentientis, & repudiantis malum, est appetere satisfactionem, seu cognitionem, & refutationem mali. Clare autem patet, quod primo modo tristitia non est appetibilis: quoniam contritans, ut sic, mali rationem habet. Secundo vero modo, tristitia est appetibilis ex suppositione. Supposito enim quod contritans adest, bonum est cognoscere, & refutare illud. Et quia tristitia includit haec omnia simul, ideo non habet locum in Deo, nec in beatis: & inter habentes nullus appetit tristitiam quod ad omnia ad illam requisita: quia nullus appetit presentiam contritantis, qui iamvis multo appetat tristitiam, supposita presentia contritantis absentie boni amari, vel offensionis diuinae. Quia igitur tristitia secundum se tota non est appetibilis, consequens est ut non sit de genere bonorum, cum bonum sit quod omnia appetunt. Verum ad morale bonum descendendo, scito secundum ex S. Tho. in quolibet, quod actus humani quadrifaria dicuntur quod ad bonitatem, & malitiam: quidam sunt per se mali, ut mentiri, quidam per se boni, ut colere Deum: quidam in differentes, ut leuare seculam de terra: quidam solitarie sumpti sonantes malum, qui tamen possunt ex aduentibus honestari ut sunt boni, ut occidere hominem. hoc enim solitarie sumptum importat aliquid inconsonans rationi. Violenta enim priuatio uitae humanae

etiam uirtuosi, est malum: sed tristitia omnes fugiunt etiam uirtuosi: quia, ut dicitur in 7. Ethic. Et si prudens non intendat delectari, tamen intendit non tristari. ergo tristitia est malum. ¶ 3. Præter. Sicut malum corporale est obiectum & causa doloris corporalis, ita malum spirituale est obiectum, & causa tristitia spiritualis: sed omnis dolor corporalis, est malum corporis. ergo omnis tristitia spiritualis est malum anime. SED CONTRA. Tristitia de malo contrariatur delectationi de malo: sed delectatio de malo est mala, unde in delectationem quorumdam dicitur Pro. 2. quod latantur cum maleferunt. ergo tristitia de malo est bona. RESPON. Dicendum, quod aliquid esse bonum, uel malum potest dici dupliciter. Uno modo, simpliciter & secundum se: & sic omnis tristitia est quoddam malum. hoc enim ipsum quod est appetitum hominis anxii de malo patitur, rationem habet: impeditur. per hoc quod appetitus in bono. Alio modo dicitur aliquid bonum, uel malum ex suppositione alterius, sicut uerecundia dicitur esse bonum ex suppositione alicuius turpis commisit, ut dicitur in 4. Ethic. Sic igitur supposito aliquo contritabili, uel doloroso, ad bonitatem pertinet, quod aliquis de malo presenti tristetur, uel doleat. Quod non tristetur uel non doleret, non posset esse, nisi quia uel non sentiret, uel quia non reputaret sibi repugnans: & utrumque istorum est malum manifeste. & ideo ad bonitatem pertinet, ut supposita presentia mali, sequatur tristitia, uel dolor. & hoc est quod Aug. dicit 8. super Genesim. \* ad literam. Adhuc est bonum quod dolet amissum bonum: nisi aliquid bonum remansisset in natura, nullius boni amissi dolor esset in poena. Sed quia sermone morales sunt in singularibus, quorum sunt operationes, illud quod est ex suppositione bonum, dicitur bonum iudicari: sicut quod est ex suppositione uoluntarium, iudicatur uoluntarium, ut dicitur in 3. Ethic. & supra habitum est. AD PRIMUM ergo dicendum, quod Greg. Nyss. loquitur de tristitia ex parte mali tristitantis, non autem ex parte sentientis & repudiantis malum. Et ex hac etiam parte omnes fugiunt tristitiam, in quantum fugiunt malum, sed sensum & refutationem mali non fugiunt. Et sic dicendum est de dolore corporali: non sensus & refutatio mali corporalis attestat naturam bonam. Vnde patet responsio ad 1m & ad tertium.

ARTICVLVS II.

Vtrum tristitia possit esse bonum honestum.

AD SECUNDUM sic proceditur. Videtur, quod tristitia non habeat rationem boni honesti. Quod enim ad inferos deducit, contrariatur honesto. sed sicut dicit Aug. 12. super Gen. ad literam, iacob hoc timuisse uideatur, ne nimia tristitia sic perturbaretur, ut non ad requiem beatorum iret, sed ad inferos peccatorum. ergo tristitia non habet rationem boni honesti.

¶ 2. Præter. Bonum honestum habet rationem laudabilis & meritorii, sed tristitia diminuit rationem laudis & meriti. dicitur enim Apost. 2. ad Cor. 9. Vnusquisque prout destinauit in corde suo non ex tristitia, aut ex necessitate. ergo tristitia non est bonum honestum.

¶ 3. Præter. Sicut Aug. dicit 14. de Cui. Dei. \* Tristitia est de his quae nobis uolentibus accidunt, sed non uelle ea quae praesentialiter fiunt, est habere uoluntatem repugnantem ordinationi diuinae, cuius prouidentiae subiacent omnia quae aguntur. ergo cum conformitas humana uoluntatis ad diuinam prius reuerentiam uoluntatis, ut iuxta praedictum est, ut quod tristitia contrarietur rectitudini uoluntatis, & sic non habeat rationem honesti.

SED CONTRA. Omne quod meretur praemium uitae aeternae, habet rationem honesti, sed tristitia est huiusmodi, ut patet per id quod dicitur Matth. 5. Beati qui lugent: quoniam ipsi consolabuntur. ergo tristitia est bonum honestum.

RESPON. Dicendum, quod secundum illam rationem, quae tristitia est bonum, potest esse bonum honestum. \* Dicitur enim quod tristitia est bonum secundum cognitionem, & refutationem mali, quae quidem duo in dolore corporali attestantur bonitati naturae, ex qua prouenit quod sensus sentit, & natura refugit lesiuium, quod causat dolorem. In interiori uero tristitia cognitio mali quandoque quidem est per rectum iudicium rationis, & refutatio mali est per uoluntatem bene dispositam detestante malum: omne autem bonum honestum ex his duobus procedit, scilicet ex rectitudine rationis, & uoluntatis. unde manifestum est, quod tristitia potest habere rationem boni honesti.

AD PRIMUM ergo dicendum, quod omnes passionem animae regulari debent secundum regulam rationis, quae est radix boni honesti, quam transcedit immoderata tristitia, de qua loquitur Aug. & idem

rationi dissonat: sed si addatur propter maius bonum ab habente auctoritatem &c. efficitur consonas rationi. nec propterea actus malus moraliter, sit bonus moraliter, sed actus qui si secundum se, solitarie fieret, esset malus moraliter quando fit, circumdatus honestis conditionibus, est bonus moraliter. In hoc quarto genere locum intelligitur tristitia, quae in litera dicitur simpliciter, & secundum se, id est, solitarie, mala malitia moralis: quia si appeteretur & haberetur sola, mala moraliter esset, ut patet ex dictis: & tamen si appetatur, & habeatur supposito malo &c. bona moraliter esse potest, ut in 2. & 3. ar. patet. ¶ Ad primum igitur in oppositum dicitur, quod ad requiem accidunt de se, per se, ut opponitur ad 1 per accidens, & ut opponitur ad cum alio. Quod enim est moraliter malum per se, id est, contra per accidens, habet malitiam in aliquo modo dicendi per se, & consequenter nunquam perdit illam: quod autem est malum moraliter per se, id est, non cum alio, habet solitarie malitiam, quam ex conjunctione cum alio perdit; & hoc modo tristitia dicitur secundum se mala moraliter. ¶ Ad secundum dicitur, quod ratio illa non concludit tristitiam esse per se malam moraliter, ut dicitur est, nec ad hoc affertur ab auctore; sed concludit, quod tristitia est mala moraliter, si solitarie sumatur: quia importat aliquid solitarie sumptum dissonans rationi scilicet priuationem boni, inquietudinemque appetitus.

Super

3. q. 25. ar. 6. ad 1. & 3. & q. 26. arti. 6. ad 1.

Lib. 12. c. 33. non procul a h. to. 1.

c. 6. & 7. post me. ut ca. 8. cir. prin. c. i. citur 10. 5.

q. 19. ar. 10.

Ar. preced.